

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 3020 del 19/10/2023

Traduzione in ladino

A Bruxelles la conferenza finèla del projet ECCA-European Charter Classroom Activities

Endèna la setemèna olache se à fat festa per la Dì europeèna di lengac, che la é ai 26 de setember, l é stat endrezà la festa per la seconda edizion del projet ECCA - European Charter Classroom Activities, ti Ofizies de raprezentanza euroregionèla de Tirol, Sudtirolo e Trentin a Bruxelles. L projet ECCA l é nasciù del 2019 per endrez del Comun General de Fascia e l é jit inant te chesta seconda edizion tel ciamp del Pian de atività del Istitut Cultural Ladin “Majon di Fascegn”.

L projet ECCA, metù a jir en colaborazion e co la direzion dessema de la Provinzia de la Frisia (Paijes Basc) l é cofinanzià da la rei europeèna NPLD (Network to Promote Linguistic Diversity) e l’è l fin de tor ite studenc de la regions linguistiches europeènes per la valorisazion de sie lengaz mère, tras l barat de esperienzes, campus de formazion dintornvia l plurilinguism, projec e ativitàdes didatiches, per engaissèr ti joegn studenc la consaputa che de gra a sie lengaz de mendranza se pel jir sorafora la seides regionèles e doventèr protagonis de la desvalivanza linguistica che caraterisea l’Europa.

La gaissa di joegn e di insegnanc che i à raprejentà sie compagnes e sie coleghes te la zerimonia che à serà su l event la é stata n muie da sentiment e, endèna l ultim desche toron, l é vegnù fora pissèdes neves e originèles per l davegnir de ECCA. L projet se à serà su coi raprejentanc de la Comiscion Europeèna che i à aprijia i resultac porté dant e dut chel che l é stat fat per tor ite i joegn studenc e insegnanc te la ativitàdes portèdes dant, engaissan l NPLD a candidèr ECCA desche scomenzadiva da finanzièr tel chèder de ERASMUS+. N zil deldut bon per la mendranza ladina, raprejentèda a Bruxelles da na studenta de la Scola Ladina de Fascia e da la diretora de la Majon di Fascegn, ma soraldut per i insegnanc e i studenc de la 8 comunitèdes linguistiches che à tout pèrt: ladins, frijons, catalegn, baschi, finlandeisc de Svezia, unghereisc de Romania, furlegn e galeisc.

L projet ECCA l fèsc pèrt de la ativitàdes de la rei europeèna NPLD-Network to Promote Linguistic Diversity, a chel che la mendranzes linguistiches de la Provinzia de Trent les tol pèrt tras la Provinzia medema.

Per informazions: <https://thisismylanguage.eu/>

Traduzion di Servijes Linguistics e Culturèi del Comun general de Fascia

(cdt)